

荣典类

宋除向崇良检校司空充醴泉观使昭信军节度使制

昔周盛世则有申伯之良翰在汉懿亲则有少君之长者眷吾仲舅蚤著
贤称登进宠名诞敷诏号醴泉观使秦国军节度明州管内观察处置弄
使持节明州诸军事明州刺史上葢军向宗良席庆深厚秉德粹温富贵
无自满之心恭孝有夙成之质肆朕承祧之始首膺授钺之荣兹属东朝
亟还大政念崇德报功之谊将锡异恩守右贤左戚之南莫回慈旨换节
灝江之地参华空士之名增衍户租併申朕志于戏惟我太母有劳皇家
方其艰虞则出任社稷之重及底靖康则还就宫闈之安动静必惟其时
进退靡失其正而犹鑑观前载深抑外亲尔其念长乐之好谦思文简之
垂裕益坚素履永保令名宋徽宗初立向太后权同处分军国事故制内
云亟还大政

吾族出自宋相文简公宋时奕叶荣显代有忠贞累朝褒崇宠命频锡南渡以后子孙播越迁徙以迄于今鲜有存者道光甲辰间镜薄遊黔省思南太守福公聘予为凤岡山长院中藏书颇多中有曾文昭文集提而讀之大手笔也文昭公名肇曾子固先生弟也宋史云文昭之文温润尔雅有子固之风殆信然乎集内有除宗良公节度使制盖文昭公为知制诰时笔也循诵再三词理周至义叶深醇真得诰命之因敬录之此先朝法物即吾族传宝也兹重修谱牒爰列诸卷端以示不忘祖泽云耳贵镜蓉圃氏谨述

清崇祀向曾贤乡贤祠文诰

湖南巡抚刘崐谨题为公举崇祀乡贤事据湖南布政使王文韶按察使李廷樟会详准岳常泮道何玉棻咨据岳州府尚庆朝申据平江县张培仁申准儒学教谕章时瑞训导李泽泮牒据绅士布政使銜前甘肃按察

使张岳龄布政使銜前云南按察使李元度四川侯补道钟昌勤湖北黄
州府知府黄益杰知府銜向国霖生员向国勳向国鹏廪生向凤阳呈称
窃惟言坊行表薰其德者善良激濁扬清闻其风而兴起粉榆月旦公评
既协于乡邦俎豆馨香食报必隆于庠序惟经师人师之无愧斯厥心厥
口之同符兹有本邑已故进士勅授儒林郎国子监学录向曾贤系原河
内家传大耐之风籍隸昌江生协奇徵之梦中学心听上智目成早拾芹
香輒冠军于幼岁遂连茹拔重国士于名公加以刻厉弥深操修渐粹秋
高苹野听鹿鸣之笙簧春暖杏林看鴈题之锦字官国子者七载模楷士
林普化两者六堂昌明正学职克助乎政教名乃记乎殿廷斯其以道得
民便是儒林之续而其敦行为本尤徵贤者之风夫意旨承先必周于请
兴问馀之会形声视听相期在行成名立之间当远道缄书和泪痕而並
寄闻音奔赴卒柴毁之膺伤斯其事父母之诚也乃若情殷伯氏覩墓草
以生哀造就诸昆对庭荆而心躍千里相思之句白日看云一灯课读之

餘西堂夢草蓋扒梨讓棗性已篤于垂髫而同氣連枝愛弥敦于沒齒茲
其友愛之誠也至于孤標自植不剗方以易圓苦节能貞惟勵名而砥行
敢辭榮辱而謙非易盈亦解和同而堅為難奪翹材之館自絕芝帷修刺
之家未餐葱叶其自立有如此者礼用关郵动为善栋大洒肥鱼之社守
枯蠹者一编东间西舞之场谢黄鹂者三请暗室垂张华之剑任是花妖
灵台照牛渚之西终消虎啞其守正有如此者见义勇为推诚与物倾囊
助赙为恤无归之朋捐地掩骸克全相卹之谊旅馆为公车所憇设法更
新学宫乃文教攸关厘心定制其制行有如此者凡兹性行允传胥原学
术之正况其箸术所在罔非道德之华制艺扶四子之精圣涯涵泳古文
窥诸家之奥理窟幽探疏解六经时標新艺续传高士想见胸襟衮影不
愧为完人桑梓共推为硕彦乡先生没祀于社礼有明徵都人士询谋僉
同义无私好职等同居里閭久切瞻依私淑门墙咸亲陶冶怅芳踪之已
渺緬懿行其堪追仰维旌善有條名既传夫闾里用是秉彝之好情更协

夫蒸民合遵功令以臚言請附鄉賢而人祀伏懇俯垂鑒察即臚申詳上
邀天闕之殊恩錫光俎豆永沐聖朝之閭澤彰善膠庠行見訓俗型方倍
仰風聲之樹廉頑立丑彌欽德教之隆等情到學并取具鄰族公甘各結
前來敝學核看行已故進士國子監學錄向曾賢宅心醴粹植品端方居
家敦孝友之風門庭肅穆涉世具通明之量氣度雍和積學夙有本原好
義恒期利濟不厭不倦有守有為洵為後進之楷模不愧先民之矩矱理
合加結并造事實清冊移送結看轉詳等因到縣該平江縣知縣張培仁
核看得已故進士學術素優鄉評悉協蘭陔春暖吹笙補養志之詩棣萼
輝聯俎豆篤同懷之誼是以孝友克敦同里皆知其愛敬樂善不倦後進
悉荷其薰陶義好急公澤足以急閭閻而不競不絀形端表正學足以昭
楷模而不倚不偏堅貞難奪見峻節之干霄和易可風比春暉之及物芳
徽共仰夫粉榆雅望足光夫俎豆相应加具印結詳祈轉鑑等情到府該
岳州府知府尚慶潮核看得已故進士孝行純篤友愛性成立品剛方居

心厚实冬温夏清养志情真隅坐随行同怀谊摯时觉修为不倦常以风
节自持读书则寝食俱忘敦节则清廉自矢好义而义称合邑泽灑闾閭
择友而友尽端人学堪模范才徵大有为井里之先型化及同人普薰陶
于后觉为一乡善士众口雷同本当世名贤倾心月旦欣遇圣朝之钜典
允宜俎豆于千秋相应加具印结详祈转鉴等情到道该岳常泮道何玉
棻核看得故已进士至性肫诚操修笃实孝思不匮白华继养志之篇友
谊克敦常棣协相亲之雅慎交遊而砥德励节概以持躬言行赅道艺之
华学宗五子著述合圣贤之旨理徹六经允推名教之完人宜示楷模于
后进理合加具结看咨请转鉴等情到司据此该湖南布政使王文韶按
察使李廷樟会看得已故进士立品端方持躬贞介读蘭陔而情深养志
联棣萼而谊笃同怀劝善维殷友朋咸资砥砺乐施不倦闾里悉荷解推
发道德之辉光本文章为经济贤声久播为后学之楷模钜典宜邀崇乡
祠之俎豆据该学县府查取事实册结由道加具结看移司相应详请会

核具题等情前来臣覆查无异除册送部查核外谨会湖广督臣李翰章
湖南学臣温忠翰具题请旨

湖南学臣温忠翰具题请旨

礼部谨奏为议覆入祀乡贤事礼科抄出湖南廷抚刘崑等疏称已故国
子监学录向曾贤立品端方持身贞介请入祀乡贤祠奉旨该部议奏钦
此钦遵到部查例开崇祀乡贤该督抚会同学政每年八月前具题并将
事实册结送部详请于岁底彙题应确核事实倘名实不能相副仅以人
品学问空言誉美者即行指驳以昭慎重等语今查香送到事实册内开
已故国子监学录向曾贤湖南平江县进士孝行纯笃能曲体亲心亲歿
哀毁骨立待兄弟友爱肫挚与人交以气节相期许勇于为义邑中修举
如学宫考棚诸事虽家仅中貲罔不踴躍从事亲邻有急难必竭力救助
贫困者随分周恤乾隆戊戌岁大饥故宦倡同人煮粥食之乙巳瘟疫流

行为施乐月馀死者買棺痊之并捐其祖遗地以为葬埋之所其餘家谱祠墓祭田祭器鬻产经营务求完善其学以宋五子为宗博通经义衣冠言动皆有典则故能以德化人人咸化之臣等公同查核所有该抚等请将向曾贤人祀乡贤之处系属名实相副拟请准其人祀乡贤祠恭侯命下臣部行文该抚遵奉施行所有臣等遵议缘由谨援昭历届成案改题为奏为此谨奏请旨同治八年十一月二十九日奏本日奉旨依议钦此

国丰公配常太孺人寿褒揭文

一段长等上县署呈

呈为呈请备案褒奖并恳转呈事窃读高士传慕莱室之斑衣诵鲁候诗羨萱帟之白发百年上寿礼隆颐养之其五代同堂享受康宁之福种芝蘭于满地郁馥芳姿仰松柏之参天婆娑劲节吾族常太孺人生于道光丙戌年例贡生国丰公之德配邑庠生常炳曜先生之胞妹生子五孙十

一曾孙十八玄孙一寿介百龄眼观五代天伦足乐洵懿範之堪钦人世
难逢备嘏词而晋祝少嫺姆训长嗣徽音相夫子说礼敦诗边孝先文章
满腹示家人黜奢崇俭孟德曜裙布彰身事舅姑则执节温恭处妯娌则
秉心和顺幽閒贞静桓氏联徽言德工容曹家比美敬恭举案八旬尚庆
齐眉欢笑含饴满堂咸欣绕膝令嗣读书躬理遊河间而心醉六经名孙
治狱多才仕阳新而纲开三面人文慰起五世其昌彤管芳标一门有庆
西池输进筵前金母琼浆东海筹添座上麻姑玉粒锡等忝居族谊敬仰
坤仪裁蠶茧之笺难书困範染鼠须之笔聊缀芜词乞更生当代宏才褒
扬淑德倣列女前朝故事旌表高年如此福寿双全理合备文呈请钧署
备案并恳转呈湖南省长公署湖南内务司发给证书褒奖是为德便谨
呈平江县公团知事赵具呈人义正段段长向泰锡邑庠生向振铎邑庠
生向维桢中华民国十四年十一月某日

二平江县知事公署指令

呈悉据称该段向常孺人寿介期颐眼观五代恳予转呈褒奖等情核与修正褒扬条例第一条第八款相符准予转呈邱即知照此令知事兼军法官赵鸿
中华民国十四年十一月某日

一平江县长公署训令

为合发事案奉湖南内务司内字第一零九四六号指令据本县长呈请褒扬寿妇向常氏由呈悉该寿妇向常氏整饬内外贤声夙著现已寿届百龄身犹康健该县长为呈请给予褒额核与褒扬务例尚属相符业经呈奉省长核准给予遐龄长享四字匾额一方仰该县长转给该寿妇家属县领以昭人瑞而资激励此令匾字随发等因计颁发四字匾额一方奉此合函检发匾额加题款字令仰该段长转给该寿妇为要此令计检发四字匾额一方款字附县长杨钰
中华民国十五年二月某日